



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Tlosang
sesole**

3

**LNDC e
kenya letsoho**

5



NYOLLO EA MEPUTSO KA 5.5%



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call / WhatsApp: 27 350562 / +266 57396597

MOELETSI**Lihoai e bang le lekunutu**

Har'a litaba tse ngata tse etsahalang kahar'a naha ka mona joaloka tlala, litheko tse holimo tsa lijo le ho nyolloa ha motlakase motheoasong a khoeli ena, sechaba 'moho le maparamente a mang ho lloa seboko sa phohomela ka Sehloamathiso sa Molao se ekeletsang litho tsa Sesole sa Lesotho (LDF) matsatsi a phomolo. Taba ena e bakile karohano e kholo lipakeng tsa maparamente, kaha ngongoreho e kholo e le hore ho ntse ho e-na le leqeme la mosebetsi, bacha ba lutse hae joale ha ho lokeloa ho buloa likheo ho eketsoa lilemo? Mokhatlo o Loanelang Litokelo tsa Mantlha tsa Botho (Section-2) o re haeba paramente e ke ke ea mamela selo sa sechaba, eaba e fetisa setšoantšo sena o tla mathela Makhohleng a Molao. Lekhotla la Komiti ea Bacha la Kanana ea Basotho (SR) le tšoenyehile ka taba e tšoanang 'me le tšepisa ho ea Makhohleng.

Setsi sa Thibelo le Taolo ea Likoluo (DMA) se kopa thuso ho sechaba ka phoso e bonahalang e etsahetseng nakong eo ho neng ho lefshoa batho. Se tlaheha ha motho ea neng a lefa batho a pentse linoto tse ngata; M5, 000.00 ho e-na le M500.00. Ka hona batho bohle ba amohetseng chelete eo e seng ea bona ba koptjoa ho e khutlisa kaha ho e sebelisa e le tlolo ea molao. Basotho lea tseba hore khomo e khoptjoa e le maoto-mane, etsoe matsoho ho lutla a sebetsang ha re thuseng setsi sena se etsang mosebetsi o motle oa ho thusa ho ahela batho matlo h'a fefohile har'a e meng ea mosebetsi eo se e etsang. Ha se thusitsoe ho e khutlisa se tla fana ka thuso hape joalokaha se entse kaha batho bana ba lefuoeng chelete e ngata ba ne ba sebetsa morerong oa Tsoha u lketsetse. Morero ona o ne o khahlametsa Basotho hore ba qetelle ba iketsetsa lintho metseng le metsaneng ea bona ntle le ho khaketsoa letho.

Setsi sa Pokello ea Lekhetho (RSL) se tlahehile likatleho sa tsona ho latela meralo eo se neng se e entse. Se atlehile ho fihlela le ho feta likhakanyo le hoja ho e-na le moo se sa atlehang teng, empa ka kakaretso katleho e kholo. Leha ho le joalo, se lla ka hore ho ntse ho e-na le likhoebo le Basotho ba sa lefeng lekhetho ka tsela e nepahetseng, ka hona ke boipiletso ho ba etsang joalo ho khutla mekhoeng. Ho lefa lekhetho ke ho thusa ntlafatsong ea naha.

Letona la Temo, Kanetso ea Lijo le Phepo e nepahetseng le butse 'moka oa Morero oa Ntlafatso ea Mahlale a Temo (APPSA), moo ho kopaneng litsebi ka ho fapakana ho tšohla le ho sheba mekhoha e ka sebelisoang ea temo ho hlola qholotso ea phetoho ea boemo ba leholimo. Ntlha ea bohlokoa eo litsebi li buang ka eona ke hore lihoai li khutlele lipeong tsa lapeng koano, kaha e le tsona tse bonahalang li ka tšoarella mongobo. Lipeo tsona tsa lapeng haholo ea mabele eo ho entsoeng liphuputso ka eona, e matla haholo hoo e ka mamellang mae-mo a mehleng ena a leholimo. Ho feta moo li ipilelitse ho Basotho ho ba le lekunutu mabapi le litaba tsa temo. Ba tlohele hore ha ba etetse linaheng tse ling ba utulle sohle se amanang le temo, joalokaha eka baahi ba moo ba etsa joalo. Taba ena e tla thusa ho baballa nalane le monono oa temo ea Lesotho.

MOLIMO A BOLOKE LESOTHO LE BASOTHO**Meputso e nyolloa ka 5.5%****Nthabeleng Seithleko**

Letona le Khiro le Bosebetsi Mohlomphehi Tšelisiso Mokhosi, o re selemong sa lichelete ea 2025-26, meputso ea mathomo e nyolohile ka 5.5% 'me e tla ama basebetsi bohle. O boletse tsena

nyollo ena. O re taba ena e ama balisana le basebetsi bohle, 'me kamor'a tšebetso ena ba tl'o kena leetong la ho bona hore basebetsi bohle ba eloa hloko ka hore mosebetsi e aroloe ka mekhahlelo e le ho tlisa ponaleto.

Ka lehlakoreng le leng, Letona la Khoebo, Meseb-

ea buisana le ba amehang litabeng tsena hore ba ekeletsoe nako.

A re e bang ntlafalo ea AGOA e sa etsahale ke bon-yane mosebetsi e 12,000 e tlo ba tlakotsing, ka hoo ba lokela ho sebetsa ka thata ho bona hore ba susumet-sa ba ikarabellang litabeng tsena ho li fetisa paramen-



tulong ea paramente ea la 2 'Mesa monongoaha.

O supile hore nyollo ena ea meputso e lebeletsoe ho kena tšebetsong khoeling e holimo, ka hoo mekhatlo ea basebetsi e tla ba le likopano le mafapha a fakaneng ho buisana le bahiri ka

etsi e Moholo le Likhoebo tse Nyenyane Mohlomphehi Mokhethi Shellile, o hlahositse hore Naha ea Lesotho kaha e le karolo ea linaha tse 34 tse unang molemo litabeng tsa Khoebisano le Naha ea America (AGOA), ba tl'o kena leetong la ho

teng ea naha eo. Leetong lena ho tla kenella likomiti tsa moruo tsa linaha, 'me lona le tla ba ka la 12 Motšeanong monongoaha.

O re hang kamor'a tšebetso eo o tla bona hore o tlahelela paramente likateng tse fihletsoeng.



Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKHETSE MORENA SECHABA SE PHETHEHLENG (LUKE 1:17)

Editorial

Lesoetsa Rakubutu

(+266) 6203 1949 / 58490670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

57 665 038/ 68 216 271

Tšelisiso Thakholi

58 540 853/ 63 480 404

Production Desk: 'Mateele Liqa

Ntšang sesole lipolitiking-Tau



Nthabeleng Seithheko

Mokhatlo o Loanelang Litokelo tsa Mantlha tsa Botho, Section-2 o re 'Muso oa Lesotho o tšoare lipere hanyenyane ho khokhohangoe puo le ba amehang le sechaba se batloe maikutlo,

mabapi le sehlophiso sa molao oa nyollo ea matsatsi a ho ea phomolong a litho tsa Sesole sa Lesotho. Litaba tsena li hlapeletse polelong ea Section-2 ea la 1 'Mesa monongoaha.

Ba re e bang paramente e ka ithiba litsebe ea fetisa setšoantšo sena sa molao, o hatikelang litokelo tsa

mantlha tsa Basotho, ba tla mathela makhotleng.

Ho sa le joalo, Letona Ofising ea Tona-Kholo Mohlomphehi Limpho Tau, h'a manolla litaba tse fuperoeng ke sehlophiso sena sa molao, 'mokeng oa bo-ralitaba ka la 1 'Mesa monongoaha, o supile hore molao oo ha o etsetsoe Mo-

laoli oa Sesole sa Lesotho ea litulong ha joale empa ke molemong oa ntlafalo ea sesole kaha molaoli ea litulong ha joale a ea phomolong ka khoeli ea Phato selemong se holimo.

O hlalositse hore qeto ena e fihletsoe ke eena le ba habo kamor'a ho etsa boithuto linaheng tsa hloahloa e ka

Boroa ho Afrika (SADC) tse kenyelletsang Botswana, Afrika Boroa le Zimbabwe, 'me ba bona hore Naha ea Lesotho e ntse e le morao ka hoo e lahlehelo ke bo-tsebi litabeng tsa sesole. O bontšitse hore ofisi ea habo e lokela ho tsoelapele ka mosebetsi e ke ke ea tšoarellao ke tlhopho-bocha hobane e le lesisitheho.

O itse ha ho Litsi tsa Tšireletso tse sekiselitsoeng empa mosebetsi boholo o reretsoe ho tsitsitsa litaba tsa sesole. A re mapoleseng ho ntse ho ithlophelo lipahiso leha a sa ikarabelle ho sona, kaha ba ile ba ntlafatsa lefapha la mautloela, le teng ba tla 'ne ba ikeletsa ho ea ka tšebetso ea bona.

A re ka lebaka la khaello ea lichelete sesole se qetetse ho hira ka selemo sa 2019, ka lebaka leo ho se ho tla hiroa kamor'a lilemo tse ling le tse ling tse peli hobane batho ba joalo ba lokela ho hlophisoa liaparo tsa tšebetso, lijo le meputso ea khoeli le khoeli.

O ipiletsa ho Basotho ho ntša sesole kahar'a lipolitiki hobane taba eo e sitisa naha ho tsoelapele.

Sechaba khutlisang litsiane-DMA

Nthabeleng Seithheko

Setsi sa Thibelo le Taolo ea Likoluoa (DMA) se ntšitse phatlalatsong moo se kopang sechaba se lefeloeng M5, 000.00 ka phoso tlasa morero oa Tsoha u Iketsetse, ho khutlisa karolo ea M4,500.00, kaha motho ka mong a lokela ho fuoa M500.00. Litaba tsena ke tsa la 1 'Mesa monongoaha.

Mookameli oa setsi sena Reatile Elias, o supile hore tlaleho ea ketsahalo ena e fihlile ho eena ka phirimana ea la 31 Tlhakubele monongoaha.

O supile hore litaba tse et-sahetseng ofising ea habo e ka li bakiloe ke tšebetso e bohlasoa ea bahlanka, e bile e le phoso e ka etsa-hallang mang kapa mang tšebetsong. O re ha ba tsebe le batho ba filoeng lichelete empa kamor'a ho fuma-na tlaleho ba ile ba fana ka

tlaleho le ho babusi ba liter-eke le baokameli literekeng.

O re ke hona ba ntseng ba etsa liphuputso tse felletseng, feela ho hlokomoleha hore ea neng a etsa tšebetso ea ho fana ka taelo ho marang-rang a komporo nakong eo a lefang sehlotšoana sa batho, o bonahala a ile a penya linoto tse ngata ka phoso.

O re hang ofisi ea habo e ile ea ikeletsa hore a phatlalatsa litaba esale nako, hore batho bohle ba tsebe ka phoso eo. A re ba se ntse ba sebetse 'moho le bahoebi ba marang-rang ho bona hore batho ba e-s'o sebelise chelete eo ha ba sa khona ho e sebelisa, kaha ba ne ba lefshoa ka marang-rang a mehala ea thekeng.

O tsoetsepele hore phoso ke ea bona empa ho na le Basotho ba bang ba seng ba khutlisitse chelete eo. A re ho bohlokoa hore motho a se sebelise chelete ea sa e lebellang mohaleng oa hae, a sa tsebe e tsoa hokae kaha e le tlolo ea molao.

A re seo ba tla se etsa

ke ho bokella manane ho bona hore na ke batho ba bakae ba amehileng le hore ke chelete e kae e sebelitsoeng ha e khutlileng e le e kae. O re ba tla boela ba buisana le ba seng ba e sebelisitse hore ba e khutlise, e le hore ho be le ponaletso licheleteng tsa sechaba.

Morero oa Tsoha u Iketsetse-

tse ke moo motho a neng a kena matsatsi a 10 a etsa mosebetsi ea ntlafatso e neng e nanabetsa letsoho ho sechaba se angoeng ke maemo a phetoho ea leholimo a komello. O re morerong ona motho o ne a sebetse haufi le moo a phelang teng.

A re 'muso o ne o tsosolo-

sa morero metseng hore sechaba se boele se ikopanye ka ho etsa lintlafatso ho se khiri. O itse ba ne ba sebetse le Basotho ba kaholimo ho 80,000, leha ho le joalo ho ntse ho e-na le ba ntseng ba kolotoa empa ba ntse ba sebetse ho bona hore ba salletseng morao b'a lefshoa.



RE TŠEHETSA BACHA



mo hoo linakong tsa Mariha o fokolang haholo re na le mesebetsi e meng eo re e etsang ea boipheliso e kang ea temo le e meng e mengata eo le eona re nt-seng re thakelana ka malebela. Qholotso e kholo eo re batlang ho e lokisa ke ea batho bao e seng litho tsa mokhatlo bao ho bona-halang litefiso tsa bona li senya khoebo ena. Ba bang ha ba fuoe mesebetsi ona ba senyetsa bahiri ka ho ba utsoetsa. Litaba tsa mofuta ona ha li re thabisi ho hang. Re kopa li emise hang-hang hoba ke karolo e senyang khoebo ea rona.

Bokamoso

Re batla ho tla sebeletsa hore khoebo ena ea ho kuta mohloa e laoloe ke mokhatlo, e be ona o fanang ka litefiso joaloka likhoebo tse kang tsa likoloi tsa baeti le tse ling. Re lakatsa ho bona banana ba le teng ka bongata kahare ho mokhatlo kaha hona joale ba fokola haholo.

Boipiletso ho sechaba

Re le bacha ba mokhatlo re ipiletsa le ho kopa hore Basotho bohle ba re fe mesebetsi oa ho kuta kaha rona re na le litsebi tse khetheleng tsa ho kula mohloa le litlama-tlama. Litho tsa rona li tsejoa ka boitsoaro bo botle 'me moo li sebetsang thepa tsohle tsa lelapa li sireletsehile. Ba na le boitsebiso ha mong'a mesebetsi a sa khotsafatsoa ke tšebetso o ikopanya le rona re sebetsa litaba tsa hae ho fihlela a khotsafala. Basotho re kopa tšebetso ea lona.

Tšeliso Thakholi

Ele ho loantšha le-qeme le lehola la tlhokahalo ea mesebetsi kahare ho bacha ba Naha ea Lesotho, bacha ba 120 ka palo ba litereke tsa Maseru, Berea, Leribe le Mafeteng ba ikopantse ho ithahiset-sa mesebetsi ka ho the-

e mengata. Re ile ra phura leshoetla le ba bang ba litho tsa mokhatlo e leng mothehi oa mokhatlo, Toka Ralikhomo le Motlatsi oa Raliphatlalato Liteboho Kutoane, ho ka utloa ka tsa tšebetso ea mokhatlo oa bona. Ba li beha tjena:

Ho thehoa ha mokhatlo

Mokhatlo oa LLCA re o thehile ngoahola ka khoe-

bangata ba sa o eleng hloko empa ba ntse ba o tloisa mahlo holimo, e leng oa ho kuta mohloa. Mosebetsi ona batho ba bang ba o khella fatše le ho o nka ha nyenyane feela e le mesebetsi o moholo haholo.

Ngoliso ea mokhatlo

Mokhatlo o ngolisitse ka molao le Ofisi ea Molao, 'me hajoale re se re emetse lengolo le pakahatsang hore e fela re na le mokhatlo oa batho ba kutang joang. Re amohela litho tsohle literekeng ka ho fapakana ha tsona tse nang le lerato la ho kena mokhatlo. Mocha ka mong o ngolisa ka M100.00 ka selemo 'me khoeli le khoeli o lefa M10.00.

Tšebetso ea mokhatlo

Hajoale re na le litho tsa komiti ho tsoa literekeng ka ho fapakana, 'me re boetse re na le baemeli ba litereke re ntan'o ba le komiti e kholo. Re sebetsa le ho batlelana mesebetsi oa ho kuta, ka tšebeliso ea marang-rang. Ha mesebetsi oa ho kuta o le teng seterekeng se it-seng, re ea letsetsana re le litho ho tla etsa mesebetsi o

joalo. Ha litho tsa rona li e-na le mathata kapa mechini ea bona e robehile re na le litsebi kahare ho rona, 'me re ea thusana. Re thakelana ka malebela mesebetsing e fapakaneng re le bacha re bile re le litho tsa mokhatlo.

Likatlheho le liqholotso

Katlheho e kholo ke hore re atlehile ho ipopa re le bacha literekeng ka ho fapakana, ho sebetsa 'moho empa e re kaha mesebetsi ona o laoloa ke linako tsa sele-



ha mokhatlo o mocha oa pele oa mofuta oa ona oa batho ba kutang mohloa malapeng, likhoebong, lifemeng, likolong, likerekeng le makaleng ohle a 'muso.

Mokhatlo ona o mocha oo e leng oa mofuta oa ona kahar'a naha o bitsoa Lesotho lawn Care Association(LLCA). Bacha bana ba boetse hape ba etsa mesebetsi e fapakaneng ea boipheliso, e kang ea ho betla lepolanka, ho chesetsa litšepe, temo le e meng

li ea Tlhakubele e le ha re hlokometse hore ho na le mesebetsi o mong o moholo oa bohlokoa oo batho ba



Listen To Us Here

Mafeteng
Mohale's Hoek
Qach's Nek
Quthing



Maseru
Berea
Leribe



Mokhotlong
Thaba Tseka
Butha Buthe



www.bokamoso974.co.za

LNDC e kenya letsoho tikolohong

Nthabeleng Seitlheko

Ele ho nka karolo polokehong ea tikoloho le ho keteka letsatsi la lefats'e la temo ea lifate, bahlanka ba Koporasi ea Ntlafatso ea Moruo (LNDC) ba lemme lifate tse 1000 lifemeng Ha Belo, Butha-Buthe, ka la 30 Tlhakubele monongoaha.

Mookameli oa LNDC Thabang Busa, o hlalositse hore mosebetsi ona ba o etsa e le karolo ea ho ntlafatsa libaka tse boliseng ba bona e le karolo ea letsete leo sechaba se tlang ho una molemo ka sona. Ho lema lifate ho etsa hore tikoloho e bolokehele meloko e tlang le bophelo bo botle ba sechaba.

sang ka eona e ama tikoloho, 'me ba lokela ho ikamahanya le ntlafalo le polokeho ea tikoloho molemong oa bophelo ba sechaba le paballo ea meloko e tlang hore e tle e ikotle sefuba ka letsete leo.

Mohlanka oa Lekala la Tikoloho le Meru Butha-Buthe, Lehlomela Qhobela, o itse ba motlotlo ka tšehetso ena ho tsoa ho LNDC, ka lebaka leo ba ipiletsa ho mafapha ohle ho ikakhela ka setotsoana litabeng tsa temo ea lifate e le hore bohle ba bone hore Naha ea Lesotho e apara botala.

Morena oa Ha Belo, Nnene Maseru Sekekete, o itse tšebetso ena ke bopaki ba hore ho na le ntlafalo e tlo ba teng motseng oa habo. A leboha LNDC ka paballo

Ofisi ea Monamoli e aha likamano



Nthabeleng Seitlheko

Ofisi ea Monamoli e entse selekane le Mokhatlo oa Liakhente Lesotho e le karolo ea ho sireletsa molao le tlhompheho ea Litokelo tsa Mantlha tsa Botho. Tsena li bile ka la 31 Tlhakubele monongoaha.

Monamoli Adv. Tlotliso Polaki o hlalositse hore ofisi ea habo e tla akofisa tšebetso ea eona litabeng tsa kabo ea toka le ho bona hore litokelo tsa mantlha tsa sechaba li'a hlonephea. O re mahlo a bona a shebile haholo litsing tsa phano ea litšebeliso tsa bophelo le makala a 'muso kaha e le moo hangata sechaba se hatoang litorong.

O re ofisi e tla boela e batlatsa mabala ka liphuputso le ho bona hore e sebeletsa

sechaba ka toka, ponaletso le tšoanelo. A re hoa lokehela hore ba sebetse litaba tsohle 'moho ho fihlela likatleho tsa nako e telele.

O supile hore ha ho bonolo ho atleha motho a sebetse a le mong empa ha ba sebetse 'moho le mafapha a fapaneng, lichelete tseo ba li abeloang le lisebelisoa li atleha ho baballeha. A re ho t'lo thusa hore ba atlehe mosebetsing oa bona oa nako eohle, le ho fihlela tharollo mathateng ohle a tobileng sechaba.

President ea Mokhatlo oa Liakhente Lesotho Adv. Lintle Tuke, o itse mosebetsi oa bona ke ho bona Naha

ea Lesotho e ikhantša ka mosebetsi o motle oa kabo ea toka o nang le ponaletso molemong oa Basotho. A thatiselletsa ka hore mokhatlo oa habo o tšehetse ka matla puso ea molao, e nang le seriti le boikemelo.

O re mosebetsi ea bona e kopanngoa ke ho tsotella litaba tsa toka, molao, ponaletso le boikarabello ba molao tse fupereng tsoelopele kholong ea naha. O re tšebetso ena e tiisa maikemisetso a ho aha molao o nang le ponaletso kaha litsi tse na li tla fetsetsana mosebetsi li ipapisitse le Litokelo tsa Mantlha tsa Botho, toka le molao mafapheng ohle.



Ofisiri ea Litaba tsa Tikoloho LNDC Mipasi Nkosi, o supile hore temo ea lifate e hlakella haholo kahar'a moralo oa koporasi oa selemo sa 2023- 2028, oa paballo ea tikoloho e khotaletoang ke lefatše lohle. Ka hona a re ba etsa bonnete ba hore tikoloho hohle moo ba nang le merero teng e bolokehile.

A re le bona ha se mekhelo polokehong le paballong ea tikoloho hobane boholo ba merero eo koporasi e sebet-

ea tikoloho hobane sechaba sohle se tla sebetse libakeng tse na se tla bona hore tikoloho e lokela ho apara ka botala 'me ba se ke ba senya mpho ena.

A re lifate li bohlokoa hobane ntle le ho thibela khoholeho ea mobu li boetse li moma metsi, ebe tikoloho e ba mongobo, ho thusa hore komello e se nke sebaka habonolo. A ipiletsa ho sechaba sa habo ho hlomphe lintlafatso tsohle.

Mazenod BOOK CENTRE 22 322 213 / 27 350 562
maserubookcentre@gmail.com / bookcentre@mazenodprinting.co.ls



M195.00



A5 M152.00
A4 M75.00



Mosali a Nkhola: M195.00
Lesotho lea ea: M150.00
Tholoana tsa Sethepu: M130.00

Libuka tsa sesotho



PASSOVER SEDER MEAL

WITH MISSIONARY OBLATES OF MARY IMMACULATE

11TH APRIL 2025

6PM

Venue
MAZENOD CONFERENCE CENTER

MC:
Fr Tumo Charles Matsoso

TICKET
M300

FIRST 20 PEOPLE GET ACCOMMODATION WITH HALF THE PRICE

CONTACT:
+266 5754 4666 / 5075 7585



Boikemelo ba Afrika litabeng tsa bophelo

Nthabeleng Seitlheko

Mokhotu Makhalanya-ne o khethiloe lekhetlo la bobeli e le Molula-Setulo oa Mokhatlo oa Likomiti tsa Liparamente tsa Bophelo Afrika (NEAPACOH). O boletse tsena, puisanong le Koranta ka la 31 Tlhakubele monongoaha.

O re Naha ea Lesotho e fumana bolula-setulo bona lekhetlo la boraro, moo se ileng sa kotsomaloa ke mofu, Fako Moshoeshoe e leng se kaholimo ho tsamaiso, kaha boemo boo bo potoloha le linaha. O re ba fihletse sena ka ho bokella botho bo bongata ba mokhatlo kaha pejana ho ne ho ea linaha tse 18 feela 'mokeng ona empa ha joale li nyolohetse ho 45.

O re mosebetsi ona, o tla nka lilemo tse tharo, 'me o ikemiselitse ho bona hore linaha tsa Afrika li fihlela taba ea katoloso ea litšebeliso tsa bophelo tse fihleloang ke batho bohle ho latela maemo a moruo li tšoana. Ha joale ke linaha tse 30 ho kenyeletsa le Lesotho tse tlokotsing ea Lefu la Lefuba (TB), ha linaheng tse ling lefu leo e le pale ea maobane.

O supile hore ke bonyane 55 million ea batho ba nang le TB, 'me boholo ke sechaba sa Afrika. A re ba t'l'o shebana haholo le liqholotso tse tobaneng le litaba tsa ho hloka hahala ha 'ma le lese nakong ea pele, hape ba bone hore linaha tsa Afrika kahar'a khakanyo ea tsona ea lichelete li tšehetsa litaba tsa bophelo bo botle.

A re Naha ea Lesotho e morao haholo kaha e le ho 9% ha e lokela hore ebe e ho 15% ea ho tšehetsa litšebeliso tsa bophelo ka chelete ea tsona eseng e tsoang kantle ho naha. o itse ba t'l'o khothaletsa ka matla mekhoha ea ho ithahisetsa lithhare ha Ma-Afrika hobane bosieo ba tsona bo beha sechaba tsietsing.

Litabeng tse ling o re ba



t'l'o loants'a ka matla litaba ba lichelete tse sebelisoang tsa bobolu le bomenemene moo ho sa hloka haleng ha

li lokela ho sebelisetsoa ho boloka bophelo ba sechaba, ho ntlafatsoa ha baetapele ba linaha tsa Afrika kaha ba bonahala ba fokola ka ho tsamaisa litaba tse ling tsa sechaba ho latela litaba tsa bona tsa lipolotiki.

O re ba tšoere ka matla ho bona hore boitlamong ba bona ka selemo sa 2030 TB e be e le pale ea maobane Lesotho, ka hoo ba t'l'o susumetsa hore ho be le mafapha a etsang liphuputso a tla thusa hore ha ba etsa liqeto ba ipapise le tlhoko ea sechaba. A re ba batla ho bona hore ho na le litsela tse hlakileng tsa ho loants'a mafu a sa pheko leheng ho sebelisoa botsebi ba naha ba lithhare tsa Sesotho tse tla thusa ho rekisoa lina-

heng tse ling ho thusa Lesotho ho ba le lekeno.

A tsoelapele hore hona ho tla thusa hore batho ba tsebe ho fumana kalafo e nang le boleng, ntlafalo e teng phanong ea litšebeliso tsa bophelo, hobane mokhatlo oa baoki o kenya bao taolong ka ho ba nkela likhato. A re ba hloka mekhatlo eohle ea sechaba ho ema ka thata ho loanela sechaba seo litokelo tsa sona li hatikeloang e le hore bohle ba fuoe litšebeliso tsa boleng.

H'a phethela o khothalelitse 'Muso oa Lesotho ho tsetela ka matla ho lingaka tse shebaneng le mafu a ikhethang hore qetellong naha e tle e tsebe ho ikalafela ona.

LWID e phallela Litsi tsa Bophelo

Nthabeleng Seitlheko

Ele karolo ea ho balla bophelo bo botle ba sechaba, Mokhatlo oa Lesotho Women in Dialogue (LWID) o tsoile letšolo ho phallela Litsi tsa Bophelo tsa likereke ka lisebelisoa sebakeng sa ho boloka bohloeki. Litaba tsena li boletsoe ke President ea Mokhatlo, 'Matšepo Ramakoe, puisanong le Koranta ka la 1 'Mesa monongoaha.

O re ba ile ba hlokomela hore litsi tsena ke tse ling tse tlokotsing ea lisebelisoa kaha tse ling li le thokoana ho libaka tse fihlelehang ha bonolo. O re taba ena ba ile ba e hlokomela haholo nakong ea COVID-19 ha ba ntse ba fana ka thuto ho basebeletsi ba tsa bophelo metseng le Marena a Sehlooho le ka lisebelisoa hore ehlile ho na le litsi tse tlokotsing.

O supile ha mosebetsi ona, ba o etsa ka lerato ka boikopanyo le ka ho fumana lithuso. Ba fana ka masela le liaparo tsa bakuli kaha litsing tse ling lisebelisoa e le bothata, hoo le mokuli a hloka seo a se aparang kapa ngoana ha a qeta ho hlaha ebe ha ho se mo phuthelang.

Ramakoe o re ba fumane Setsing sa Samaria, masele a aliloeng betheng a le masoba, eaba ba hlalositsoa hore le lisebelisoa

sebakeng sa ho amohela masea a macha ke bothata, 'mea taba ena e bohloeki sebakeng sa mokuli le bana.

O re ba boetse ba hlalositsoa hore litsi tse ling li tobane le bothata ba khaello ea lithhare hoo e reng ha mokuli a fihla setsing a lokelang ho ea reka lithhare teropong ea Mafeteng. O re taba ena e ba susumelletse ho khothaletsa 'Muso oa Lesotho ho kenyeletsa litsi tsena kahar'a khakanyo ea lichelete kaha boholo li fepela metse e mengata, hape li hlahlojoe khafetsa le lithhare li be teng litsing nako eohle.

Ke bonyane litsi tse tšeleletse ho isa ho tse supileng tse unngeng molemo, 'me lithutso tsena li fuoa litsi tse kholo tsa bophelo ebe qetellong ba li abela tse metseng.

O tsoetsepele hore ka thoko ho litaba tsa bophelo bo botle, mokhatlo oa habo o sebetsana le litaba tsa ntlafalo ea basali, ho loants'a har'a tse ling litaba tsa tšekefetso, 'me ba kenyeletsa bo-ntate hore ba tsebe ho thakelana ka malebela mathateng ohle ao ba kopanang le ona.

A eketsa ka ho re ba sebetsana le liqholotso tse tjametseng basali metseng, ba ba matlafatsana ka litsebo le bointlafatso le ho bona hore ba kenya letsoho kholong ea sechaba.

E mong oa Baokameleli Setsing sa Samaria 'Maphakiso Maqeba, o itse ba leboha LWID ka ho ba hopola ka lisebelisoa hobane ba sitoa le ho boloka bohloeki ka nepo haholo nakong eo ba pepisang hobane ba se na lisebelisoa tse amohelang bana, haho-

lo ha eba mokhachane e le ea kojoana li mahetleng.

A re ba qetella ba sebelisitse tjale eo motsoetse a itlamang ka eona e le e amohelang ngoana ho fihlela ba fumanetse motsoetse eo mokhoa liaparo.

Mokhethoa oa Puso ea Libaka Tefo Matima, o supile hore thepa ena e t'l'o thusa ho fetola bophelo ba basali ba tlang setsing seo ho fumana litšebeliso.

Mokhethoa oa Phoqane 53 'Matankiso Tekane, o supile hore mokhatlo ona o entse mosebetsi o matla, o motle le hoja setsi se tobane le qholotso ea tlhokahalo ea lithhare e leng se amang bophelo bo botle ba sechaba haholo mafutsana a se nang bokhoni ba ho ithekela lithhare.

A re o etsa kopo ea hore mokhatlo ona ha o ntse o batla lithuso, o tsoeme Basotho lithhare kaha e le qholotso.



Ba khothaletsa lipeo tsa lapeng

Nthabeleng Seitlheko

Letona la Temo, Kanetso ea Lijo le Phepo e Nepahetseng, Mohlomphehi Thabo Mofosi, o butse 'moka oa More-ro oa Ntlafatso ea Mahlale a Temo (APPSA), ka la 2 'Mesa monongoaha.

'Moka ona o reretsoe ho fana ka sethala sa bo-ramahlale litabeng tsa temo le ho tšohla litletlebo litabeng tsa bofuputsi ba temo. Linaha tseo e leng karolo ea 'moka ona, tse tobaneng le phepetso ea tlhahiso ea lijo kahar'a linaha tsa hloahloa e ka Boroa ho Afrika li supt-joa li tobane le qholotso phepong ea bana le bokakachelana.

E mong oa Bafuputsi Litabeng tsa Nyaliso ea Lipeo le Ntlafatso ea tsona, ho hlaha Sekolong se Seholo sa Sechaba (NUL) Bonezwa Mofoti, o supile hore ba ile ba etsa liphuputso kahar'a naha ka tlhahiso ea mabele, 'me ba fumana hore mabele a matla ke a



peo ea lapeng, e bona-halang e mamella maemo ohle a phetoho ea leholimo.

O re ntho e kholo ke hore Naha ea Lesotho e baballe lipeo tsa eona tsa lapeng, kaha li le matla ebile li mamella maemo ohle a phetoho ea leholimo ho feta ho itšetleha tlhahisong ea lipeo ea linaha tse ling.

O bonts'itse 'moka ona o ba butse mahlo hobane ba tla tseba ho tšoara 'moka tse 'maloa ho tšohla liphuputso tseo ba li fihletseng kahar'a lipeo e le karolo ea ho ntlafatsa tlhahiso ea lijo. A re boithuto bona bo ka boela ba etsoa le ke baithuti

metseng hore re bone hore tsona ke'ng e atlehelang se-baka ka seng.



Dr. Puleng Letuma ho hlaha Lefapheng la Lijalo (NUL), o itse Naha ea Lesotho e lokela ho sebelisa lipeo tsa lapeng hobane li mamella maemong ohle, ha li angoe habonolo ke phetoho ea boemo ba leholimo. A re ntho e kholo ke hore Basotho ba ke ba be le lekunutu la lintho tsa bona tse ba thusang ho ntlafatsa temo joalokaha ba sa tsebe liphiri tsa linaha tse ling.

A re qholotso e kholo ke hore Basotho ha ba le linaheng tse ling ba utulla makunutu a bona hoo balichaba ba qetellang ba nka menyetla ka tlhahiso ea Basotho.

RSL e itlthoma pele

ho fihlela sekepele seo ka M49.64 Billione eleng 1%.

Ha lekhethong la koae le

latela thahasello sa sechaba lipapaling tsena le ho theoa ha likhoebo tsa mofuta oo ka bongata se atlehile ho bokella M16.40 Millione,'me ketso ena e entse hore ba atlehe ho feta sekepele sa bona ka M9.2 Millione eleng 130%.

Ho sa le joalo pokellong ea lekhetho li tse tlahoang li sebelitse hantle ke boithabiso ka 527.1%, mekhatlo ka 51.5%, thuto ka 28.9%, pokello ea litaba 22.9% le metsi ka 18.8%.

Ke tšebetsong ena moo RSL e atlehileng ho bokella bonyane M9.74 Billione selemong sa lichelete sa 2024/25, 'me ba atlehile ho feta pehelo ea bona ka 3% e leng M261.14 Millione, ha ba ne ba iphehetse sekepele sa M9.48 Millione.

Ho feta mona o re leha ba sebelitse hantle joalo, likhoebo tse ling tsa sechaba li ntse li sa ikamahanye le tefo ea lekhetho le karolo e 'ngoe ea sechaba.



Nthabeleng Seitlheko

Selemong sa lichelete sa 2024/25, Setsi sa Pokello ea Lekhetho (RSL) se fihle-

tse lintlafatso tse 'maloa ho kenyeletsa lekhetho le lefshoang ke likhoebo le basebetsi, kaha se atlehile ho bokella M5.25 Billione, papisong le pehelo e fetileng ea 4.93%. Litaba tsena li hlaheletse 'moka o bo-ralitaba oa la 1

'Mesa monongoaha. Mookameli oa RSL 'Mathabo Mokoko o supile hore lekhethong la basebetsi le la likhoebo tse ikemetseng ba atlehile ho bokella M4.3 Billione, ha ba ne ba iphehetse M4.35 Billione ka hoo ba hlotsoe

mothamahane ba hlotsoe ho fihlela sekepele sa bona ka 7.65% e leng 4.5%, ha ba ne ba iphehetse ho fihlela M68.45 Millione, ba fihletse M60.80 Millione. Lekhethong la lipapali tsa bacha se ne se iphehetse ho bokella M7.13 Millione, empa ho



MOB KIDD'S EDUTAINMENT

Puzzle MOB 93-4580



Across

- 5 Lebekele la Mazenod Printing Works (Pty)Ltd leo u le tsebang le rekisang libuka. (6,4,6).
- 6 Motho eo e saleng e ba lekholoa kapa eo a seng a sa hate mabala ha hae kapa habo. (7)
- 10 Sesebelisoa se senyenyane seo tse meja li bolokang mohlothi. (6)
- 14 Mothehi oa mokha oa lipolotiki ka selemo sa 1996 (9,7)
- 15 Koranta ea Sesotho e thehiloeng le selemo sa sekete makholo a robong, mashome a mararo a metso e meraro. (8,2,7)
- 16 Papali ea Basotho e bapaloang ke banana le bashanyana. (9)
- 17 Ketso ea ha motho a ile a fuoa kahlolo lekhotleng, e ba kahlolo eo ha e mo khotsofatse. (10)

Down

- 1 Lijo tse jeoang ka nako ea Hoetla. (5)
- 2 Khomo e tšehali e etellang pele khomo tsa bohali. (8)
- 3 Ngoana ea hlahileng kamor'a ea fetileng (6)
- 4 Buka e hatsitsoeng ke Mazenod Printing Works/Publishing, e teng lenane-thutong la likolo. (8)
- 7 Tona-Kholo ea mehleng (9,8)
- 8 Ngoana ea mong habo. (9)
- 9 Ketso ea ho bontša pelaelo. (11)
- 11 Ngoan'a belehiloeng kante ho lenyalo. Ngoan'a.. (7)
- 12 Taola, ekaba e tona kapa e tšehali; e etsoang ka ntlha ea lenaka

- la khomo. (9)
- 13 Ngoan'a matšeho (10)

SOLUTION

MOB 93-4579





TSA KEREKE

Karisima ke nako ea boinahano-Khoeale

Tšeliso Thakholi

Moprista oa Parish ea Maria Mofumahali oa Lefatše, Fr. Patrick Khoaele OMI o re Karisima ke nako eo re fuoang boinahano bo tebileng ba hore bohle re itekole hobane moo re habileng teng ke moketeng oa thabo hobane ea re tšepisitseng o'a tšepahala. O buile tsena litšebeletsong tsa mokete oa Sontaha sa Thabo e leng sa ho atamela ha Tsoho ea Morena

ntse re e-na le Morena le hore na mokriste ka mong o ntse a le thomong ea hae joalokaha e le morumuoa ho ea ka Paulosi. "Empa ha u iphuma-na hore ha ho joalo nka khato joaloka ngoana ea lehlasoa; a lula fatše a inahana, 'me boinahanong ba hae a itemoha hore bophelo boo a bo phelang bo fosahetse." A rialo.

Are boinahano boo re bo fuoang ka nako ena ke ba pako hobane moo re habileng teng ke moketeng oa thabo oo re o tšepisitseng. A re Ntate oa rona ea Mahalimong ha se ea re emetseng ka selepe kapa ka phafa ho re shapa le hore ahlolale libe tsa rona kapa tsa maoba le

e mocha tsa khale li fetile ho hlahile tse ncha, "me ke le kopa baratuo ba ka boelanang le Morena Molimo. Etsoe Molimo o se a re boelantse le Eena ka Kriste oa hae, 'me le rona re tšoanetse ho nka khato ea ho boelanya batho ba bang le Morena Molimo."

H'a hlalosa setšoantšo sa ngoana lehlasoa, o itse o tšoantša eena le rona kaha re na le ho tsoa ka liatleng tsa Morena Molimo, ea re ratileng re e ja hantle le ho phela hantle, empa re tsoe re khutle le le mankoebe re senyehile litšobotsi. "Feela re lehlohonolo ha re ka ba le maikutlo a hore ke tla tsamaea ke ee ho ntate ke fihle ke re ntate ntšoarele.



oa rona Jesu Kriste, tse neng li tšoaretsoe hona Parishing ea Maria Mofumahali oa Lefatše, Ma-zenod ka la 30 Tlhakubele monongoaha.

O boletse hore ka nako ea Karisima bohle re fuoa monyetla oa ho bitsoa hore na re hokae? Na re

maobane. "Ke Ntate ea mohau, eo e reng ha re khutlela ho Eena, mohlo-mong re matha ka lebelo la 20Km eena o matha ka 120Km ho re khahlamet-sa." O boletse joalo.

A supa hore kajeno rea hopotsoa hore motho h'a le ho Kriste ke 'mopuo

Ke ka nako ena ea Karisima re fuoang monyetla o joalo." A rialo a bile a phethela ka hore ka Sontaha sena sa Thabo, Kereke 'M'a rona e re ho rona re le bakriste e mong le e mong a itokise re tsebe ho kena Kanana kaofela ha rona.

2024-2025 SELEMO C

SONTAHA SA 5 SA KARISIMA



Isaia 43,16-21
Pesalema 125
Ba-Fillip 3:8-14
Joannes 8:1-11



Khothatso

Se hlole u etsa sebe

Ho tloha khoeling e fetileng maikutlo a rona a ne a le tšokohong e le hore bohle ka grasia ea Molimo Ntate le matla a Moea o Halalelang re ka tseba ho fetoha re tšoane le Kriste. Kajeno molaetsa o nts'o ntšetsapele taba eo ka hore "re se hlole re etsa sebe" (Joannes 8:11) ha re se re sokolohile.

Thutong ea Pele le utloa mantsoe a boprofeta a buoang ke Morena ho moprofeta Isaia; o ithahisa e le Molimo 'me o bolela hore o bopile Israele, a etellapele sechaba ka Moshe, a arola Leoatle le Lefubelu a ba a bolaea mabotho a Faro hape ke eena ea nkileng bophelo ba lira tsa sechaba sa hae.

Morena o hlokomelisa hore ho se shejoe litaba tsa khale hobane liketso tsa Testamente ea Khale ke setšoantšo sa lintho tse tla etsahala. Pholoho e khole ke e tlang ka Mali a Kriste, ka hona se lokelang ho hopoloa ke morero oa pholoho oa Morena Molimo ka Kriste ho balumeli kapa bana ba hae. Morena o re o tl'o etsa ntho e ncha, 'me ruri o ne a tl'o bopa 'Mele oa Kriste e leng ho fihla ha 'Muso o sa bonoeng oa Morena Molimo lefatšeng. Ka 'Mele ona oa Kriste, Morena o ne a tl'o kopanya bahalaleli Leholimong le balumeli ba hlatsuoeng ba Kereke. Tšepiso ena e ile ea phethahala nakong eo Kriste ka Mali a hae Sefapanong, a ileng a nka Borena ba hae Leholimong e le Moren'a marena. Paulosi Lengolong ho Ba-Filipi o re hopotsa hore re khethuoe, ho ba baprista, re halalele e le hore re tlotlise liketso tse kholo tsa Morena ea re bilelitseng khanyeng. (1 Peterosi 2:9) Ka lebaka le lithlohonolofatso tsena tseo re li fumaneng ho Morena, Paulosi o re kopa ho inka re le baphaphathehi, re balehe litakatso tsohle tsa nama tse ntoeng le moea. Re lokela ho itšoara hantle ha re le kahar'a bahetene, e le hore ka liketso tse ntle tsa rona ba tlotlise Morena letsatsing la kahlolo. (1 Peterosi 2:11-2) Ka lebaka la limpho tseo re li fuoeng ke Morena, tsohle ha li na bohlokoa, Paulosi o li bitsa manyala. Ho tseba Kriste joalokaha re mo tseba ho feta hole bohle ba motho, 'me likamano tsa letsatsi le letsatsi le eena li bohlokoa haholo ho feta menate le maruo a lefatše lena.

Evangeling Morena Jesu o fana ka taelo e re thusang ho hlokomela hore na re tla qetella leeto la rona joang, haeba re ntse re phehletse tumelong. Kriste o re, "Tsamaea, 'me ho tloha kajeno u se hlole u etsa sebe." Tumelo feela ka bo-eona e ke ke ea pholosa motho hobane haeba u na le tumelo empa u itsoellapele ho phela sebeng, ha u na ho bona 'Muso oa Leholumo. Tumelo e hloka e hloke 'me e halalele, e hloka motho ea ipolelang, ea amohelang mpho ea Moea o Halalelang e hloki-sang meea hore e tšoane le Kriste. Tumelo hape e bonoa ka mesebetsi e metle baneng ba Morena Molimo.

Bekeng ena re ipapisitse le seo re se fumaneng mahala ka lerato le mohau oa Morena, ha re mo leboheng ka ho fetola lipelo tsa rona 'me re tlohele sebe. Ha re furalleng ho ahlola ba bang, 'me re itšoenye ka ho ikhalaletsa pele re itšunya-tšunya litabeng tsa ba bang. Hobane ke ka ho phela le ho tsamaea leratong la Kriste bohle ba tla ithuta ho etsa joalo.

Bahalaleli har'a Beke

- 7 'Mesa Finan
- 8 'Mesa Concessa
- 9 'Mesa Dotto
- 10 'Mesa Beocca
- 11 'Mesa Antipas
- 12 'Mesa Damian

MSA e tšoara litlholisano

Ho tla be ho lubehile, linonyana li lula batho Holong ea EL Legado Club, Masianokeng, ka la 19 'Mesa monongoaha, ha baroetsana ba batlehali ho tsoa kantle le kahar'a naha ba tla be ba tebuka ba qhothisana lehlokoa ho tseka sekola sa Miss MSA Beauty Pageant moketeng o ikhethang oa pele o hlophisitsoeng ke Setsi sa Koetliso ea Lipapali sa Masianokeng.

Puisanong le Mothehi ebile e le Motsamaisi oa Setsi sena, Monghali Tlokotsi Ndlovu o itse litlhophisano tsa litlholisano tsena li se li hatetse pele haholo, 'me ho se ho emetsoe feela letsatsi la litlholisano moo ho tla cha khong ho sa le molora! O re sepheo se seholo ke ho holisa le ho matlafatsa papali ea bo-'mabottle kahar'a naha. Ka holimo ho tsohle ke ho pepesa bacha ba nang le talenta ea papali ena e le ho itsebahatsa.

O re ke bo-'mabottle ba lilemo li 17 ho ea ho 24 ba tla leka lehlohonolo la bona kapel'a baahloli ba nang le boiphihlelo le litsebo tse khethehileng tsa ho ahlola le ho tsamaisa papali ea bo-'mabottle. O re ba lebeletse baeti ba baholo ho tsoa mekhatlong e meholo e tsamaisang lipapali le ho tsoa ka 'musong. A ipiletsa ho bo-'mabottle bohle ho kenela litlholisano tsena ka bongata.

Har'a ba bang ba bo-'mabottle ba tsebahalang haholo kantle le kahare ho naha ba lebeletsoeng ho tla ingolisa ke Miss Mojabeng Ndebele, e leng e mong oa bo-'mabottle kahar'a naha ea atlehileng ho phela bophelo ba litoro tsa hae selika-likoeng sa papali ea bo-'mabottle.

O fihletse likatleho tse ling tseo esaleng a li batla tse kang tsa ho hapa



Miss Heritage Lesotho, Miss Personality Lesotho, Miss NUL, Face of Lesotho, Miss Africa 4th Runner Up, Charity

Award Winner at Face of Beauty International Taiwan le Miss Mzana 1st Runner Up Free State.

Joalokaha e le tloaelo

litlholisanong tsa mofuta ona, likhalala tsa 'mino ho tsoa Afrika Boroa le Lesotho li tliil'o ba teng ho hlokisa bacha le batho ba

baholo khofu ka 'mino oa tsona o mathemaloli, tsona ke hona li tla phatlalatsa hamorao ha litlhophisano li se li phethetsoe.

Chess e qala ka sekhhahla

Tšeliso Thakholi

Mokhatlo oa Lesotho oa Papali ea Chess (C-FL) o supile ha o khotsofetse haholo ke tsela eo ba qalileng leeto la bona la lipapali tsa Chess tsa selemo sena, ka katleho e kholo kamor'a ho bula selemo ka Litlholisano tsa pele tsa likolo tsa Mohope oa National High School Chess Championships tse nkileng libeke tse 'ne li ntse li bapala Sekolong se Phahameng sa Leqele, Maseru tsa fi-

hla pheletsong ka lipapali tsa makhaola-khang ka la 30 Tihakubele 2025.

Litlholisano tsena tse neng li kenyelelitse banana le bashanyana li ne li kenetsoe ke likolo tse bohareng le tse phahameng tse 36, moo Mokhahlalong oa pele oa Open Section ka ho bashanyana le banana Maseru Private Academy e ileng ea hlaha maemong a pele, 'me ea ikhapela Mohope, Limentlele tse tšeletseng tsa Khauta le Mathematical Instruments tse tšeletseng.

Maemong a bobeli ea

e-ba Sekolong se Phahameng sa Seeiso Griffith 'me sa fumana Limentlele tse tšeletseng tsa Silver le Mathematical Instruments tse tšeletseng, ha borarong e bile se Phahameng sa Mazenod se ileng sa putsoa ka Limentlele tse tšeletseng tsa Bronze le Mathematical Instruments tse tšeletseng. Haele Mokhahlalong oa ho qetela oa Girl's Section bahloli e bile Sekolo se Phahameng sa Leqele, St. Stephen's Diocesan le Lesia maemong a pele ho isa ho a boraro

ka tatellano. Le tsona li ile tsa abeloa limentlele le 'instruments' joaloka tsa mokhahlelo oa pele.

Ho ea ka phala ea Mokhatlo, Monghali Setetela Khiba ba khotsetse haholo ke bongata ba likolo tse bileng teng litlholisanong tsena, 'me sena ke pontšo ea hore papali ea Chess e hola ka tsela e potlakileng haholo. Ka hona sena se tliil'o thusa hore ha ba se ba le lipapaling tsa machaba ba be ba le boemong ba ho e hlanaka ha bobebe e le ho tlela Lesotho le Basotho tlhoho.

O boetse a supa hore morero o moholo oa lipapali tsena ke ho tsebahatsa le ho ntšetsapele talenta ea bana lilemong tse tlaase le ho fana ka sethala bakeng sa lipapali tse nang le talenta ea papali ea Chess e le hore ba bontše litsebo tsa bona, ba tle ba be le monyetla oa ho fetela litlholisanong tse ling tse ka holimo. "Papali ea Chess e boetse e ntlafatsa le ho chorisa kelello le thuto ea Chess e tsebahalang ka ho ntlafatsa monahano o tebileng, ho tsepamisa maikutlo le ho etsa liqeto tse nepahetseng tse amang tšebetso ea barutoana ba sekolo hantle." Ke Selatela eo.



Summit e lahla tšepo

Tšeliso Thakholi

Sehlopha sa Bolo ea Maoto sa Mokhahlelo oa A Division FC Summit se lahlile tšepo ea hore se ka kena kahare ho lihlopha tse 'ne tse ka holimo lokong, e ka Boroa ea A Division kaha ho bonahala Quthing LMPS e le eona e keneng kamor'a ho e teteka 2-0 Lebaleng la Swallows, Mazenod ka Sontaha sa la 31 Tihakubele 2025.

Quthing LMPS eo ha-joale e nyolohetseng boemong ba boraro, e hlahlama Qoaling Highlanders boemong ba bobeli kamora hore e tlontlolle Qacha's Nek LMPS kapel'a batšehetsi ba eona ka ho e teteka ka phafa ea 2-0. Athe FC Summit e neng e le maemong a bohlanano e theohetse boemong ba bosupa ka lipapali tse 15, ea hlola ho tse 'ne, ea bapala ka ho lekana ho tse tharo, ea lahlehela ke tse robeli, 'me e na le lintlha-kholo tse 15 ka mokoetleng.

Ho ea ka Mokoetlisi oa sehlopha sa FC Summit, Monghali Pusetso Mohapi o itse bothata boo a kopanang le bona ke ba libapali tse sa tlang bokoetlisi-



song, 'me ba kopana feela nakong eo ba seng ba ea lipapaling tseo ba lokelang ho li bapala. "Ka bokoetlisi ha ba fumanehe hantle ka lebaka la mabaka a bona a fapakaneng. Ke eona taba e seng e etsa ke lahlele thaole." A rialo. "Thomo ea ka e se e ntlhotse hobane ha re ne re bua le uena nakong e

fetileng, ke ne ke tiea ke hlapanya ke re boemo ba pele ke ntse ke e na le monyetla oa ho bo tseka. Empa hona tjena ke inehetse." O boletse joalo a bile a eketsa ka hore leha a ka etsa sohle se matleng a hae a ke ke a hlola a fihla boemong ba pele kapa hona ho kena kahar'a tse 'ne tse ka holimo.

A re boemong ba bosupa moo a seng a le teng o se a sebeletsa feela hore a 'ne a sale a le teng kahar'a A Division, le ho sebeletsa ho baleha selepe kaha a se a le boemong bo kotsi. A phethela ka hore hona joale o se a saleletsoe ke lipapali tse tharo tseo le tsona a leng tsietsing e kholo ea hore na o

tlil'o li bapala joang. Ha joale FC Summit e tliil'o bapala le Swallows mafelong ana a beke, e boele e bapale le Qacha's Nek LMPS hona Lebaleng la Swallows. Athe papali ea eona e phethelang selemo sa lipapali e tla ba Mohale's Hoek moo e tlang ho nkana le O5 United.

E fumana boetapele bo bocha

Tšeliso Thakholi

Kamor'a hore lipapali tsa Liki ea B Division li fihle pheletsong, sehlopha seo e sale se bapala boemong ba B Division nako ea lilemo tse fetang leshome tikolohong ea Region 5, Mazenod sa Airport Birds se ile sa atleha ho khetha komiti e ncha e tliil'o tsamaisa sehlopha ho tloha ha Liki e ncha ea selemo sa 2025/2026 e qala.

Ke hona likhethong tse-na moo Monghali Majoro Lethola a ileng a khetho- loa ho lula sa maratsoana ka hoba President e ncha ea sehlopha. Lethola o tlatsitsoe ke Paki Motšepe ea ileng a iphetela bolacha ho bao a neng a qothisana lehlokoa le bona.

Boemong ba bongoli ba sehlopha ho bonahe- tse Monghali Sello Pule e le eena ea ikhapetseng likhetho, ha Motlatsi oa hae e bile Joang Kharetse, Ramatlotlo ea eba George Taole, Raliphatlatso ke



Liteboho Kutoane. Haele litho baeletsi e bile Tšotleho Khakhane, 'Manapo Monyamane, 'Mamosa Moteeane le Makhale Makhale. Komiti ena e kene tšebetsong hang kamor'a likhetho.

Puisanong le Raliphatlatso e mocha Liteboho Kutoane o supile hore boi-

kemisetso ba mantlha ba komiti e ncha ke ho bona hore sehlopha se kena kahare ho Liki ea A Division kaha e le sa khale haholo lihlopheng tsa B Division. A boela a re moralo o moholo o ka sehlohong oa komiti', e seng e ntse e qalile tšebetso, ke ho tla lokisa lebala hore le be

maemong a matle. A re ba tiilo sebeletsa ho batlela sehlopha lithuso ho bahoebi ka litsela tsohle, e le hore se tle se tsebe ho phela. A ipiletsa ho bahoebi le ho batho bohle ba boithatelo bo botle ho etsa letsoho la monna. Taba e 'ngoe eo Kutoane a e tobokelitseng

ke ea ho batlela sehlopha mokoetlisi ea tla tseba ho arabela morero oa bona oa ho fihlisa sehlopha boemong ba A Division. A tiisa hore ba sa ntse ba kentse linala fatše ho tso- mana le mokoetlisi.

Airport Birds e phethe- tse lipapali tsa eona e le boemong ba pele liking ea lihlopha tse tšeletseng tseo e bapalang ho tsona, bobeling ke Thotamoli, borarong ke Mantšebo United ha boneng e le Lunor Big Fifteen.

Tseba boemo

ba hau u

fumane

pheko



Ba Ila ka sehlomathiso

Tšelisotho Thakholi

Komiti ea Lekhotla la Bacha ba Kanana ea Basotho(SR) e re setšoantšo sa Sehlomathiso sa Molao oa Sesole sa Lesotho (LDF) se nyollang lilemo tsa phomolo ho litho tsa sesole, se tlišetsa Naha ea Lesotho bolutu bo boholo kaha se tla sisinya metho ea puso ea sechaba ka sechaba. Tsena bacha ba Lekhotla ba li hlaloseletse baphatlalatsi ba litaba 'mokeng o bileng Maseru ka la 1 'Mesa 2025.

Ba re qholotso e kholo eo ba e bonang ka sona ke hore se tlišo baka pherekano e kholo kahare ho litho sa sesole hoba se tobatsa khethollo moo liofirisi tsa sesole tsa boemo bo phahameng li tla ea pholomolong ka lilemo tsa botsofali tsa ho tloha ho 55 ho isa ho 62. "Hape pherekano ena e tla hotetsa hlaha ho

litsi tse ling tsa tšireletso kaha li nyallana ka maemo ohle a tšebetso." Ba rialo.

Ba boetse ba supa hore motho h'a le lilemo li 62 kelello le matla a hae ha li sa mo jara joaloka pele h'a ntse a le mocha, 'me ha ho potang e se e leqheku. "Rea tseba malapeng moo re tsoang teng batsoali ha ba se ba le lilemong tseno ba se ba hlokomeloa ke rona batho ba bacha." Ba rialo ba bile ba phaella ka hore hae-

ba motho ea lilemo li kalo, a behoa ho etella pele Setsi sa Tšireletso seo mosebetsi oa sona e leng ho hlokomela naha, thepa le sechaba, sena se tliša bothata bo boholo mafapheng a fapaneng a bophelo.

Ba tsoela pele hore ntle le mona ha batho ba lilemo tse kalo ba nka nako e telele mosebetsing ke se-supu sa hore ba tlang ka tlase ho bona ba tla sitoa ho fihlela boemong ba bona,

'me hona ho tlišo boela ho baka hore likhiro tsa sesole e leng tsona tse nkang lipalo tse ngata tsa bacha, li nke nako e telele haholo. Ba re e 'ngoe ea khoao ea bona ka Sehlomathiso sena, ke hore ba bona e ka 'muso ho na le motho kapa batho bao o ba tšoarellang hore ba lule nako e telele kahare ho LDF.

Ba boetse ba supa hore ka Sehlomathiso sena masole a tlišo tloha mosebetsing

oa bona ba ntse ba le matla haholo ka lilemo tse 48, 'me taba ena e tlišo tliša bolutu bo boholo kahare ho naha hobane e tla be e le batho ba nang le tsebo e phethahetseng ea ho etsa lintho ho latela koetliso ea bona. "Re tlišo bona le litlolo tsa molao li nyoloha ka sekhahla se sehlo." Ba rialo. Ba re tšabo ea bona ke hore sena ke ketso e hlakileng ea puso e taolong ea sesole, eo ba reng ba e bona e nkile taolo linaheng tse ling tsa SADC tse kenyeletsang har'a tsona Rwanda moo ba reng 'Muso oa Lesotho o kha litsebo le mahlale a tsamaiso ea puso hona teng. "Le Zimbabwe ha se mokhelo tabeng ena kaha litho tsa sesole li nkile maemo a maholo pusong." Ba rialo.

Ba qetella ka hore ba tlišo etsa sohle se matleng a bona ho sireletsa puso ea sechaba ka sechaba, ka ho mathela makhohleng a molao ho thibela Sehlomathiso sena, kaha se hohlana ka hohle-hohle le Molao oa Motheo oa Naha ea Lesotho.



The joy of failure

Socialisation teaches us that everything we touch must always be a success, if for any reason it doesn't succeed self-doubt must creep in. We aren't good enough, the world has to definitely see us as close to nothing, we can't be respected, we can only be labelled by what we have failed at. This notion has made people to be afraid of anything so as to avoid

failure, it is more comforting to be labelled as a person who hasn't done a thing than to be labelled a failure. It is at this juncture that people's potential is never brought to fruition as nobody encourages us to try, we have to hibernate least we fail. However, those who dared to try and failed know the joy of failure, there's so much to learn from failure than there is to learn from

success. Failure gives us lessons we would never learn from success; it also gives us an opportunity to start from experience not from nothing. Let us appreciate trying and failure must be a stepping stone not a deterrence. There is a joy in failure if we look at the right places.

Teboho Matjeka
63574502/58911803



Tsebiso ea Bohlokoa ho Sechaba sa Qacha's Nek!

Re thabela ho le tsebisa hore Qacha's Nek Book Centre e tla khutlela tšebetsong ho tloha ka la 10 'Mesa 2025, joalokaha e ne e tumme pele!

Litheko tse Theohileng Haholo!

Re fokolitse litjeho haholo ho tloha ho libuka tsa likolo ho isa ho thepa eohle ea Kereke, e le hore sechaba sa rona se rue molemo ka litheko tse khahlisang.

Litšebeliso tsa Rona li Tsoela Pele!

Re ntse re fana ka litšebeliso tsa boleng bo holimo, joalokaha le tloetse! Eba le bonnete ba hore re tla u fa tšebeliso e potlakileng, e nepahetseng le e khotsofatsang.

Etela Qacha's Nek Book Centre!

Tloho u iponele libuka tsa boleng, thepa ea kereke, le tse ling tse ngata ka litheko tse baballang!

Sebaka: Qacha's Nek Book Centre (Pel'a mapoleseng)

Letsatsi: Ho tloha ka la 10 'Mesa 2025

Re labalabela ho u sebeletsa hape ka boitelo le lerato!

#Qacha'sNekBookCentre #LithekoTseTheohileng #BolengBoPhahameng